



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. S. Bernardo obuiam missus Clericus, à Deo sibi obuiam missum Bernardum experitur.

urn:nbn:de:hbz:466:1-45653

dum Canticum Habacuc psalleretur (erat enim feria sexta) Abbas Philippus, eius postea rei testis, velut circitor, vigilias obibat, visitabatque fratres, an rei diuinæ animis adescent. Inter circum-
eundum reperit Monachum illum, tentationi vacantem, & vice-
cantus, nictantem. Quid aliud censuisset, quām somno vīctum ac
semisopitum esse? Igitur, tanquam ad dormitantem, se inclinans,
versiculūmque illum ipsum, qui eo temporis momento canendus
erat, in aurem vocaliter admodum ingessit. Erat autem casu ver-
siculos ille : *Egredietur diabolus, ante pedes eius.* Haec voce, & ille
ad se, & tentatio ab illo ijt. Existimans enim, Abbatii cogitationes
suas è ccelo reuelatas, eaque propter his Prophetæ verbis, castiga-
tas; ipse quoque non aliter Prophetam intelligens, quām si de
cūscemodi desertore esset locutus, noluit maledictionem hanc
abeundo mereri, & diabolum viæ suæ ducem habere. Itaque pla-
gam suam Abbatii patefecit, qui mirati satis non potuit diuinæ sa-
pientiæ, per tam inopinatum exitum, medicinam.

VIII.

Noui & ego religiosissimum alioqui virum, qui, post qua-
draginta annos, in religione, exactos, tandem diuturnæ tentatio-
ni succumbens, è suo, ad ordinem PP. Carthusianorum transiit;
ad suum tamen ordinem, paulo post, ferè simili ratione, postlimi-
niō reductus est. Nam eum, inter confabulandum, vt sit, iuuenis
tiro interrogauit, quām diu in priore vitæ statu vixisset? cui ille,
Quadragesima, inquit, *annis.* Tum nouitius, Deus bone, inquit,
quadraginta iam annis inibi mansisti, & tanto tempore, non di-
dicisti, per reliquum, quod tibi adhuc parum superest vitæ porrò
perseuerare? Tetigit hoc dictum adeò hominem, vt illico suæ pri-
litis so se religioni restitueret; quod planè tiro ille efficere ne-
quaquam cupiebat. Sed Deus, qui ex ore infantium & lacientium
perficit laudem suam, sæpe per os aliud loqui volentium, aliud &
ipse loquitur; sicut & per Caipham oraculum illud fudit : *Expe-
dit vobis, vt unus moriatur homo pro populo, & non tota gens pereat.*
*Hoc enim à semetipso nos dixit: sed cum esset Pontifex anni illius, pro-
phetauit, quod Iesus moriturus erat, pro gente, & non tantum pro gente,*
sed vt filios Dei, qui erant dispersi, congregaret in unum.

IX.

Quæ recensui, aliter dicta atq; aliter accepta, eò spectabant
vt pfugos, ad semel piè inchoatum vitæ statum continuandum, re-
uocarent. Addam aliud, quod docet, Deum casu hominis vsum, ad
eundem statum inchoandum : quod et si ex mente loquentis eue-
nit,

Psal. 8. 3.

Ioan. 11. 5. i.

nit, euenit tamē planē, præter mentem eius, qui audiuit. Venerabilis aliquando in Germaniam S. Bernardus Abbas, ad pacem conciliandam, inter Lotharium regem Romanorum, & antecessoris eius Henrici nepotes. Venienti Albertus Moguntinorum Præsul, honoris ergo, Clericum, Masselinum nomine, obuiam misit. Hic, vbi Bernardum salutauit, inter cetera, dixit, *se missum à Domino suo, ad ei seruendum.* Quod vbi audiuit Bernardus, paulisper eum intuitus, respondit: *Alius Dominus te misit ad seruendum sibi.* Expauit, ad tam insperatum dictum, Clericus; & vbi se se collegit, denuò dixit, ab Episcopo se missum. Cui Bernardus, *Falleris,* ait, *maior Dominus misit te Christus.* Tum demum intelligens Clerus, quorū ea verba irent, ait: *Nempe Monachum me velle fieri existimam? Apage, cum tuo cucullo, quem nunquam somniaui.* Non passus est se repellere D. Bernardus, sed, quantumuis Clerico reclamante, persistit, affirmauitque fore, vt cucullum Monachūmque indueret; non quod ipse, sed quod Deus iter illius ita destinariet. Dedit manus illico Clericus, atque, in eodem adhuc itinere, Mundō rem suā sibi haberē iusso, Monachus Clareuallensis factus est. Hi casu se obuiam missum existimans Bernardo, magno Dei consilio, obuiam missus est. Supra memoratis duobus, aliò, & causidicta, si vel iocantes ac mordentes, vel aliud monentes consideres; diuinā prouidentiā tamē, ad constantiam & sanitatem profuerunt.

Notum est illud, sed ad rem facit, quod Hieronymus Platus, è Prædicatorum historijs, in hunc modum, recitat. Bononia, in primis ferè Dominicanī ordinis initij, vir magnus, clarusq; doctrina, cœlestium bonorum amplitudine, ad hanc (Religiosam) vitam electus est. Cum enim Reginaldus, unus ex præcipuis illius familiae, magno hominum concursu, & approbatione, verbum Dei predicaret; Monetus (sic enim is appellabatur) de industria illius congressum & sermonem fugere consueverat, multum sibi ab eo metuens. Tamen in Stephani martyris natali, ad eius concionem, comitum importunitate, pertractus, primis statim verbis captus est, cum illam vocem exponeret: Ecce video cœlos apertos. Ita enim differebat, nunc quidem cœli portas ad beatitudinem patere, ita ut qui quis ingredi possit; qui autem negligentes essent, & qui Deo cor suum clauderent, ipsis vicissim cœlos claudi, ut deinde intrare non possint. Nec pluribus opus fuit; statim enim, corde immutato, qui ad eam horam tam alienus fuerat à Religione, Religionis voluntate

X.
Hieronymi
Plat. I. 3. de
Bono stat.
Relig. cap.
38.